

quibus rostrum duntaxat nobis conspicuum. Reliquæ autem 15. imagines in opposito antipodum cœlo, ab Indiæ lustratoribus observantur, & describuntur.

XX. PHOENIX *rogo ardenti impositus*, intra piscem notium & Eridanum sub cauda Ceti, habet Stellas 14. Aliis Crux sub Eridano.

XXI. TOUCAN *avis seu anser, & pica Brasilica seu Indica*, Stellis 8. media inter Indum & Phœnicem; insidet hydro, tenens rostro ramum.

XXII. HYDRUS, *Wasser-Schlange*, exortus sub Phœnice, prope extremam Eridani, caudæ extremitate proximè attingit ac q. demonstrat polum mundi seu Æquatoris antarcticum. Stellis 15. constat.

XXIII. INDUS seu *homo Indianus* intra Pavonem & Toucan. Pingitur vir sagittas seu tela in utraque manu tenens. Stellas habet 12.

XXIV. PAVO proximè astat Indo sub γ , hujusque corona. In istius caudam stellantem oculos Argi obiisse fingit Ovid. Constat 16. stellis.

XXV. APOUS & *Apis seu avis Indica, Avis Paradisi, Paradis-Bogel* / sequitur Pavonem, cauda versus pol. mundi antarct. versa. Stell. 12.

XXVI. TRIANGULUM AUSTRALE, *Trigonus Notius*, sub ferâ Centauri & Ara. Continet in angulis lucidiores 3. & 2. minores.

XXVII. CRUX, Hispan. *Cruzero*, inter pedes Centauri, ad quos olim etiam pertinuit. Stellis constat lucidioribus 4.

XXVIII. MUSCA seu *crabro indicus* sub pedibus Centauri, stell. 4.

XXIX. CHAMÆLEON *aëre victitare dicitur, variosque colores assumere*. Subjectus est Muscæ, in quam linguam vibrat. Stell. 10.

XXX. PISCIS VOLANS seu *passer marinus*, xiphiaë proximi-